



UNDANG-UNDANG MALAYSIA

Akta A392

**AKTA PEMBERIAN MENGIKUT BILANGAN
ORANG 1977**

Tarikh Persetujuan Diraja 9hb Mac 1977

Tarikh diterbitkan dalam *Warta* ... 17hb Mac 1977

UNDANG-UNDANG MALAYSIA**Akta A392****AKTA PEMBERIAN MENGIKUT BILANGAN
ORANG 1977**

Suatu Akta untuk meminda peruntukan-peruntukan Bahagian I Jadual Kesepuluh kepada Perlembagaan Persekutuan.

[1hb Januari 1976]

BAHAWASANYA adalah diperuntukkan oleh Fasal (2) Perkara 109 Perlembagaan Persekutuan bahawa Parlimen boleh dari semasa ke semasa dengan undang-undang mengubah kadar-kadar pemberian mengikut bilangan orang yang terdapat dalam Bahagian I Jadual Kesepuluh;

DAN BAHAWASANYA menurut Fasal (4) (b) Perkara 159 Perlembagaan Persekutuan apa-apa pindaan kepada Perlembagaan yang bersampingan dengan atau berbangkit daripada penjalanan apa-apa kuasa untuk membuat undang-undang yang diberi kepada Parlimen oleh mana-mana peruntukan Perlembagaan, lain daripada Perkara 74 dan 76, adalah dikecualikan daripada peruntukan-peruntukan Fasal (3) Perkara 159;

OLEH YANG DEMIKIAN MAKA INILAH DI-PERBUAT UNDANG-UNDANG oleh Duli Yang Maha Mulia Seri Paduka Baginda Yang di-Pertuan Agong dengan nasihat dan persetujuan Dewan Negara dan Dewan Rakyat yang bersidang dalam Parlimen, dan dengan kuasa daripadanya, seperti berikut:

1. Akta ini bolehlah dinamakan Akta Pemberian Mengikut Bilangan Orang 1977 dan hendaklah disifatkan sebagai telah mula berkuatkuasa pada 1 haribulan Januari 1976.

Tajuk
ringkas
dan mula
berkuat-
kuasa.

Pindaan
bagi
Bahagian 1
Jadual
Kesepuluh
kepada
Perlem-
bagaan
Persekutuan.

2. Bahagian I Jadual Kesepuluh kepada Perlembagaan Persekutuan adalah dipinda dengan menggantikan seksyen-kecil (1) seksyen 1 dengan yang berikut—

“(1) Pemberian mengikut bilangan orang yang kena dibayar kepada tiap-tiap buah Negeri bagi sesuatu tahun kewangan hendaklah mengikut kadar-kadar yang berikut:

- (a) bagi 100,000 orang yang pertama mengikut kadar \$20 bagi tiap-tiap seorang;
- (b) bagi 150,000 orang yang berikutnya mengikut kadar \$10 bagi tiap-tiap seorang;
- (c) bagi 250,000 orang yang berikutnya mengikut kadar \$6 bagi tiap-tiap seorang;
- (d) bagi yang selebihnya mengikut kadar \$3 bagi tiap-tiap seorang,

dan hendaklah berdasarkan bilangan penduduk-penduduk Negeri itu sebagaimana yang ditentukan dalam banci akhir yang dijalankan sebelum permulaan tahun kewangan yang dahulunya.”.